

PSB - Bahagian Arkib

From: UUM CORPORATE COMM.
Sent: Thursday, 19 December, 2019 1:12 PM
To: UUM - All Staff; UUM - All Students
Subject: JIEC 2019 Fokus Persediaan Kepada Pelaksanaan Kurikulum Kalis Masa Depan Dan Cabaran IR 4.0



UUM Corporate Comm.
Universiti Utara Malaysia

19 DISEMBER 2019 / 22 RABIULAKHIR 1441H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Fadhlina Md Pudzi
Gambar oleh: UTLC

JIEC 2019 FOKUS PERSEDIAAN KEPADA PELAKSANAAN KURIKULUM KALIS MASA DEPAN DAN CABARAN IR 4.0



UUM ONLINE: Thailand - Pusat Pengajaran dan Pembelajaran Universiti (UTLC) dengan kerjasama Prince of Songkla University (PSU), Hatyai, Thailand telah menganjurkan *Joint International Education Conference (JIEC) 2019: 4th Inspirational Scholar Symposium (ISS)* dan *8th PSU Education Conference* di International Convention Center (ICC), Hatyai, baru-baru ini.

Persidangan yang berlangsung selama dua hari bermula 12 hingga 13 Disember lalu telah berjaya menghimpunkan para sarjana, ahli akademik dan pihak industri dari pelbagai bidang untuk berkongsi idea dan hasil penyelidikan yang melibatkan inkuiri saintifik ke atas pengajaran, keterlibatan pelajar, maklum balas pelajar dan proses refleksi pensyarah ke atas pengajaran dan pembelajaran.

Pengarah UTLC, Prof. Madya Ts. Dr. Muhamad Shahbani Abu Bakar berkata, dengan tema '*Growth Mindset, Innovative and Integrated Work-Ready Education*', perhimpunan intelektual itu berjaya membentangkan sebanyak 68 kertas kerja bagi *4th ISS* dan 232 kertas kerja bagi *8th PSU Education Conference*.

Menurutnya, persidangan tersebut dilihat dapat memajukan potensi individu secara holistik dan bersepadu melalui interaksi secara tidak langsung antara para penyelidik, ahli akademik serta pihak industri dalam sesi pembentangan dan perbincangan.

Katanya, penglibatan mereka menjadikan persidangan ini satu platform yang luar biasa dalam memastikan sistem pendidikan terus berkembang untuk memenuhi tuntutan abad ke-21.

"Dalam persidangan ini juga memberi tumpuan kepada memposisikan penyelidikan untuk kecemerlangan global sejajar dengan Pelan Pembangunan Pendidikan (Pendidikan Tinggi) Malaysia ke-8 atau PPPM (PT) 2015-2025.

"Oleh itu, JIEC 2019 juga melibatkan kerjasama Bahagian Kecemerlangan Akademik, Kementerian Pendidikan Malaysia (KPM) dan ketua-ketua Pengajaran dan Pembelajaran 20 Universiti Awam di Malaysia (Jawatankuasa MAGNETIC) yang turut membincangkan mengenai Pentaksiran Alternatif," katanya.

Tambah Dr. Muhamad Shahbani, persidangan bersama ini telah memberi peluang kepada staf akademik UUM terutamanya penyelidik geran *Scholarship of Teaching and Learning (SoTL)* dan peserta *Inspirational Academician Programme (IAP)* untuk berkongsi hasil penyelidikan dan amalan terbaik masing-masing dalam pengajaran dan pembelajaran di peringkat antarabangsa selaras dengan program '*succession plan*' yang dirancang oleh UTLC.

Ucap utama JIEC 2019 telah disampaikan oleh Pengarah Eksekutif Knowledge Economy Forum (KEF), Lithuania, Arminas Varanauskas dan Pengarah Pusat Pembangunan Kecemerlangan Akademik (CDAE), Universiti Sains Malaysia, Prof. Dr. Abd Karim Alias.

Selain itu, persidangan ini juga turut melibatkan sesi forum, perbincangan, bengkel dan juga pembentangan kertas kerja.

JIEC akan dilaksanakan secara berkala dan UUM melalui UTLC akan menjadi hos bagi penganjurannya pada tahun akan datang.



 Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.